



02299

西山先生真文忠公文集卷第二

翰林詞草

答詔

賜起復正議大夫右丞相兼樞密使太子少師史彌遠辭免以皇太子冊寶推恩特轉一官恩命不允詔

勅具悉朕承宗廟之重惟稽古建我元子于東宮粵二年秋躬即大慶行冊命禮鐘鼓在虞衣冠在廷泮然和氣充塞上下俾朕得以垂萬世休無愧祖宗付託之懿者皆吾大臣輔贊力也卿以宏深正大學端亮純一之誠夙簡朕心從游資善迪我儲德底于光明密決大計以安天下遂繇賓傳并亞維師教諭德成既顯且久未有丞相若者第進一官姑循故實顧朕意猶以為憊而卿欲辭之得乎丞祗渙恩母道成命所辭宜不允

○真西山文集卷之二十

朱

賜中大夫知樞密院事兼參知政事兼太子賓客雷孝友通奉大夫參知政事婁机正議大夫參知政事樓鑰中大夫同知樞密院事童良能端明殿學士通議大夫簽書樞密院事宇文紹節辭免皇太子受冊命了畢與轉一官恩



舍不允詔

勅具悉朕觀三代有道之長法重離繼照之象更化之始首建儲闈宗祀之前舉行冊禮宏休懿錄照映古今神祇祖考莫不咸喜卿等以股肱良弼兼組青宮既殫出入諭教之勤復與周旋禮文之盛闕而不錄謂典章何傳不云辱太子正而天下定卿等有輔朕安天下之功矣而欲辭一秩之賞得乎亟其祇承毋或多遜所辭宜不允

賜正議大夫守吏部尚書兼修國史實錄院修撰兼太子詹事曾喚辭免以

○真西山文集卷之二十

二

朱子

皇太子受冊了畢本宮官吏等各與轉一官恩  
舍不允詔

勅具悉朕更化之始建我元子于青宮屬知來歸寘在詹省以方嚴毓裕之德翼恭敬溫文之美今三載矣冊禮告成恩徧寮案豈以端尹之重而可遺乎卿其祇服徽章益思所以輔吾子因萬世盤石之基是惟朕屬任之意控詞雖力義不可從所辭宜不允

賜朝散大夫試太子詹事兼同脩國史實錄院同修撰兼秘書監戴溪辭免該遇

皇太子受冊推恩特轉一官恩舍不允詔

勅具悉自吾元子之在資善也卿以當世儒先橫帙  
左右蓋於火燃泉達之始已有日漸月漬之功越既  
升儲備歷宮寀廸之以正心誠意之學勉之以居仁  
由義之道從容啟沃裨益孔多朕方嘉爾之勞思所  
以表厲而未遑也禮成增秩亦維其常何必為謙番  
我成命所辭宜不允

賜朝議大夫試尚書吏部侍郎兼太子右庶子  
兼同修國史兼寶錄院同修撰汪遠辭免

皇太子受冊畢本宮官與轉一官恩命不允詔

勅具悉古之論教太子者必以選左右為急朕既參

真西山文集卷之十

三

稽古誼正少陽之位又擇孝悌博聞有道術者以衛  
翼之唯卿以淵源純粹之學服在茲選實能以正言  
正行啟迪儲德國本彌固卿之力與為多焉典冊崇  
成例俾增秩雖名節自矜豈有望賜之心然功庸不  
報亦非待賢之誼往承朕命毋煩固辭所辭宜不允

未奉云尊在近臣當存体國之  
誼敢同羣吏俱懷望賜之心

賜端明殿學士提舉臨安府洞霄宮衛涇辭免

皇太子冊寶推恩以昨參知政事兼太子賓客

與轉一官恩命不允詔

勅具悉朕褒德錄賢不以新舊殊其禮論功行賞不

以中外二其心，卿名高一時，學貫千古，指身闕策，力禪更化之宏，規造膝輸忠，與決建儲之大議，暨陟疑丞之任，首參寶交之聯，正事正言，效見聞而無隱重，暉重潤資，啟沃以居多，屬時典冊之告成，載念勲勞之當紀，豈其居外而可遐遺，第晉文階式，昭春意母，徇謙撓之素，亟惟渙渥之承，所辭宜不允。

賜資政殿學士太中大夫知潭州充荆湖南路安撫使衛涇上表再辭免更化之後親祀南郊獎事備成慶均中外安丙衛涇俱以近臣宣勞藩閫各特轉一官恩命不允不得再有陳請詔

勅具悉。昔周天子有事于先王於齊，則賜之昨於魯，則歸之朕，豈非股肱王室之重，則當同其福祿之休。日朕裡典告成，均慶中外，維西有蜀，維南有楚，皆以近弼作予元侯，勲名爛然，並著竹帛，予維寵嘉之壬子，割書命進崇秩，亦周褒齊魯之意也。今卿抗章不拜，顧以天道虧盈為言，夫五服五章以待，有德雖云朕命實本天心，朕固匪出於私，卿尚何辭之有所辭，宜不允，不得再有陳請。

賜資政殿學士通奉大夫知興元軍府事安丙再上表辭免南郊慶成特轉一官恩命不允不

得再有陳請詔

勅具悉朕惟古者先成民而後致力於神故自更化以來分命通臣付以藩閫俾之拊循兵民填奠疆場戎干載戢穡寶用成庶幾無外顧之憂矣於是圮嘉壇秩元祀典禮具飭神人允諧顧惟屏翰之勞奚止駿奔之比此優隆之典所以獨施於吾重臣也今邊候底寧民物孔庶卿其益務綏靖以稱朕心舍數之蕃方自茲始曾是一秩而可辭辱所辭宜不允不得再有陳請

賜中大夫樞禮部尚書兼侍讀章穎乞許歸田

真西山文集卷之二十

五

十

里不允詔

勅具悉朕觀昔者忠臣以言去國有番落不偶而終其身者有投閑未幾而還踵登用者公道之開塞率於是焉占之朕丕承祖宗崇尚謹直允自初元以來繇論事去者更化之後亦有存而未召召而弗用者乎惟卿蹇又匪躬名在諸儒之右首觸樞倖一去十年越既來歸寘在經幄從容獻替朕甚嘉之問由貳卿進攝宗伯鳴珮澤笏出入闕庭使薦紳大夫相語曰此慶元諫爭之臣嘗誦而後伸者也激高風而勵頽俗庶其在茲卿方懷歸殊弗吾意所請宜不允

賜通奉大夫參知政事兼太子賓客婁機感疾乞許納祿不允詔

勅具悉昔太公既老猶起海濱番侯雖病彊輔太子朝有華髮之良國之福也豈以晦明風雨之不常而輕聽其去哉已詔有司予卿朝謁之告知其顛精神近醫藥以自輔歸榮之請朕未欲聞所請宜不允仍給假十日

賜次山辭免新除少保進封永陽親王加食邑食實封恩命不允詔

勅具悉三孤之官貳公弘化朕未嘗輕以授人也而况茅土之封自元豐命曹倫之後施諸后族越不過六七人今朕因青宮冊禮之成既擢卿于亞保之位又以累朝待元舅者待卿可謂不世之榮殊常之遇矣非卿老成靜重蔚有令德朕敢以天官為私寵乎往祇朕恩圖所以稱此者循牆之避宜畧常文所辭宜不允

再賜楊次山辭免恩命不允詔

勅具悉昔在東都有賢戚曰陰識以椒房同氣之重而能謙冲自處為世祖所嘉尚每指之以敕戒貴戚激厲左右焉今朕有卿亦猶是也儲闈受冊推恩外

家顧惟親賢疇出卿右三孤之拜王社之封所以褒表者德為戚里勸也朕命不易毋庸固辭所辭宜不允

賜潭州觀察使知閤門事兼客省四方館事兼提點御前忠佐軍頭引見司楊谷辭免

皇太子受冊了畢除承宣使恩命不允詔

勅具悉朕嘗閱東都之史見明德馬后撫育儲嗣之功著在簡策焜燿來世未嘗不深嘉而屢歎也粵子元子蚤正春宮保惠扶持備殫勞悴皆至哉坤元之力其眦漢事尤有光焉典冊告成疏恩外屬惟卿伯仲夙著賢稱富貴無自滿之心忠孝有兼全之節若時番務實亞齋旒肆繇察庶並命褒陟書不云虜用德彰厥善朕之寵卿益庶幾虜此卿其何辭所辭宜不允

真西山文集卷之二十

七

華

賜朝請卽試尚書吏部侍郎兼修玉牒官兼侍讀兼樞給事中許奕乞川蜀待闕州郡差遣不

允詔

勅具悉昔蕭望之以諫官補郡吏不忘雅意之在本朝吕元膺繇給事守同州復以謹言而晋左右朕惟宣帝憂民之切不如憲宗納諫之明若時近臣可徒



軀云卿以有用之學不窮之材冠多士於臨軒之初  
踐禁塗於更化之日其侍經幄以正道沃朕心其攝  
璣闈以忠規裨朕聽方有賴批鱗之直可遽為此馭  
之竹其安厥官益勵爾操使朕無愧元和之主卿亦  
有老先漢之臣何必守藩乃為報國所請宜不允

賜特進觀文殿大學士提舉臨安府洞霄宮錢  
象祖上表再辭免特授少保依前觀文殿大學  
士充醴泉觀使加食邑食實封恩命不允不得  
再有陳請詔

勅具悉朕建儲之始稽用舊典命三三大臣並職輔

○真西山文集卷之二十

八

華

導于東宮卿以台衡之尊兼師傅之重須眉皓然衣  
冠甚偉有如綺里之侍宴席間問惻惻屢有諫正又  
如張輔之在經帷朕甚嘉之雖去國之久未嘗忘也  
肆因顯冊之成命晉孤卿之秩詩不云乎無言不讐  
無德不報朕心蓋庶幾焉毋庸固辭弗我眷意所辭  
宜不允

賜正奉大夫守吏部尚書兼修國史兼實錄院

修撰兼太子詹事曾喚乞令謝事歸養沉痾不

允詔

勅具悉朕惟昔之賢哲輕棄軒冕勇往不回其說有

二或時君信道弗篤不足與有為或同列甚賢者多  
不去則有咎故二疏享知止之樂香山全退傳之名  
今朕虛已待賢常若弗及衆正在列不以小人參之  
士而無志當世則已苟誠有志可失斯時况卿位冠  
從臣責任不為不重職居宮尹寵遇不為不優一旦  
浩然欲去朝廷而傲山壑固足以遂卿考槃之志獨  
不使朕獲權輿之譏乎所請宜不允

賜起復正議大夫右丞相兼樞密使兼太子少  
師史彌遠乞歸田廬補還服制不允詔

勅具悉在昔 昌陵興帝王之業惟時趙普建社稷

合真西山文集卷之二十

九

之勳奪象情於艱疲之初蠲起復於祥除之日未聞  
有請欲許終喪茲故實之甚明在信書而可攷卿為  
碩輔繫國世臣以忠純不二之心奮剛毅必為之節  
力陳至計正儲闢少海之尊躬蹈危機安宗廟泰山  
之固粵從人望登拜台司有調娛中外之功有經理  
久長之策豈容頃步輕去朝廷矧禮極哀榮既事親  
而無憾則義均休戚在休國以宜先益堅致主之心  
庸副教忠之望所請宜不允

賜煥章閣學士通議大夫知江陵府充京西湖  
北制置使李大性辭免除寶文閣學士依舊知

江陵府充京西湖北制置使不允詔

勅具悉朕惟荆襄上游屏蔽南服間者邊事之興被  
兵為尤甚生齒流散田萊多荒蓋嘗喟然而顧而歎  
曰孰能為朕勞徠還定俾復其舊乎卿以法從之英  
首任聞寄撫柔遠近得江漢之心政聲遠聞朕意以  
擇維 昭陵圖書之府選在兩清俾卿職其間庸示  
風勸往服朕命益綏吾民庶無負褒表之意尚何以  
辭為所辭宜不允

賜起復正議大夫右丞相兼樞密使兼太子少  
師史彌遠再上奏劄子乞歸田里補還服制依

已降指揮不允不得再有陳請詔

真西山文集卷之二

十

勅具悉大臣之義與衆庶不同多事之時視承平亦  
異夫既任安危之責則當權輕重之宜卿世秉鈞衡  
望隆柱石以身殉國昔嘗捐家族而弗辭移孝而忠  
今可執親喪而為解矧歲月將臨於祥禫而哀榮備  
極於始終其在卿心夫復奚憾顧今朝廷之上有宵  
旰之憂朕方喟然思與濟此尚念倚毗之切勉恢康  
人之圖庶允答於民瞻亦有光於慈訓所請依已降  
指揮不允不得再有陳請

賜正議大夫參知政事兼太子賓客婁機年齒

衰羸疾病易生乞許納祿不允詔

勅具悉朕以卿為天下之老有大臣之風越泛衆言擢在二府所資從容論道之益非有奔走宣力之勞何為上章欲致厥事昔畢公弼亮四世而克勤小物衛武九十在位而以禮自防卿年雖高未至於是其思國計之重甚于身謀民瘼之瘳急於已疾勉徇大義勿復有云所請宜不允仍給假半月

米奏云有不堪奔走之言

賜大中大夫守尚書戶部侍郎兼詳定勅令官

兼權工部尚書沈作賓乞效官偏壘不允詔

勅具悉夫乘人之車者任人之患食人之祿者分人

合真西山文集卷之二十

十一

之憂卿職在論思誼同休戚屬茲多事之際當以盡瘁為心云胡上書屢欲自佚昔王事靡盬詩人有不皇將母之歎今卿所遇固異于斯進則啟沃朕前退則怡愉膝下苟能報國自足悅親尚思勉於功名庶兼全於忠孝所請宜不允

賜正奉大夫參知政事兼太子賓客樓鑰辭免同提舉編修勅令恩命不允詔

勅具悉朕惟我朝之舊章最得先王之遺意以道揆權法守故能昭合人情之公以儒者議刑名故能深原天討之用長我王國不在茲乎卿蚤踐朝行久勤

屬筆晚參政路嘗與提綱惟心平可以酌律令之重  
輕惟學博可以訂古今之公革茲焉申命重謂得人  
勉終已試之功毋以不能為解所辭宜不允

賜華文閣直學士朝請大夫知福州充福建路  
安撫使葉時乞畀宮觀差遣不允詔

勅具悉朕惟前日守將屢易之弊至於居官數月輒  
遷有新故吏代之煩而失上下相安之美朕甚厭之  
政嘗深念縱未能復唐虞九載之制獨不可因任賜  
書如神爵五鳳間厚卿性資粹明學問淵博頃勞灑  
從出鎮全閩以忠厚及物之心施平易近民之政魯  
未期年遠近愛之詩曰豈弟君子民之父母卿既庶  
幾乎此矣顧不少留以緩朕赤子可瘳勉安厥官毋  
拂朕指所請宜不允

賜保康軍承宣使左驍衛上將軍鎮江都統兼  
知揚州淮東安撫使畢再遇乞畀在外宮觀差

遣不允詔

勅具悉朕聞立功名易保功名難究觀往昔將帥之  
臣克自祗畏雍容進退不失令名者曾幾人哉蓋矜  
功則志易驕怯寵則身易危其勢然也卿拔自我行  
久董師律威震夷貊勇聞江淮而能慕古人知止之

風察天道虧盈之戒便朝入對亟請奉祠可謂善處功名之間矣然而旅力方劓精神尚強當勉未為之勲業益思無負於恩榮姑徐爾歸往聽朕訓所請宜不允

賜通議大夫試戶部尚書兼詳定勅令官沈誥

乞檢會前後所奏俾令納祿不允詔

勅具悉朕以月正元日眠群臣朝當三陽彙進之時惕然有感於易之泰曰內君子而外小人君子道長小人道消也然則老成耆德之彥其可使之輕去也執卿質直敢言清脩有守方資雅望以重本朝矧塞叔之力雖慙而楚丘之謀始壯尚其祇服毋替告猷所請宜不允

真西山文集卷之二十

十一

舊唐

賜寶謨閣直學士中大夫知潼州府劉甲乞許納祿退安田里不允詔

勅具悉朕惟元祐忠賢之世鮮或有聞西州人物之宗今其餘幾知洪毅有守篤實不欺器能適用於閒暇之時風節自持於變故之日頃繇南鄭易殿東川甫及期年捨聞報政鄉閭非遠初何殊晝繡之榮精力尚強毋遽羨安車之樂勉綏民瘼庸副朕懷所請宜不允

賜端明殿學士通奉大夫簽書樞密院事兼太子賓客宇文紹節乞畀祠祿不允詔

勅具悉朕聞為國者必有文武兼備之賢威名素著之彥使之端委廟堂圖議帷幄然後足以弭未形之患收無競之功卿器度恢洪材猷英特廼者總戎外間風采隱然暨登樞筵備罄忠藎今雖潢池之孽蕩滌有期朕心所憂正在賊平之後維持鎮定方將與大臣圖之而卿遽請奉祠以求自佚非所聞也矧卿德望並隆中外所恃當身任經綸之責可輕為去就之謀勉聽朕言勿厯再請所請宜不允

真西山文集卷之二十

奏劄云今辛皇靈遠暢盜

賊蕩平甲兵之間浸已罕少云云

賜建武軍節度使鄂州江陵府駐劄御前諸軍都統制鄂州駐劄王喜乞祠祿不允詔

勅具悉卿以西州拳勇之英名徹朕聽擁旄仗節極將帥之榮必能忘身乃可報國今疆場晏然非有執干戈援抱鼓之役也惟公惟廉以勤撫我士卒使戎改日肅武備日修則優繇拆衝可以忘老遽求閒退非朕所期所請宜不允

賜端明殿學士通奉大夫簽書樞密院事兼太子賓客宇文紹節乞畀祠祿不允不得再有陳

請詔

勅具悉朕惟人主用賢之功必悠久而後見大臣體國之誼豈進退之可輕卿靜重有謀沈深能斷自登簪橐清華之選即值干戈倣擾之虞屏蔽江淮蕃宣襄漢牧人御衆有寇恂之材治軍理民無武侯之畧參稽輿論擢貳樞連鎮撫四夷正藉威名之素調娛萬務方觀智識之長疊覽耒童遽祈去位豈有能應變於昔者紛紜之會而不能運籌於今茲閒暇之時舍朕而歸其義安在尚念倚毗之切勉恢經濟之圖期斯世之舉安雖退休其未晚所請宜不允

真西山文集卷之二

十五

十

賜資政殿大學士中大夫知興元軍府事充利州路安撫使充成都潼川府夔州路制置大使安丙乞畀官觀差遣不允詔

勅具悉朕慨念坤維邈在萬里非威名夙著不足以鎮服物情非智畧有餘不足以酌酢事變故專任卿以一面之責庶幾寬予西顧之憂遽覽耒童首陳故實爰復申繹為之憮然知卿誠悃之深有如皦日顧朕倚毗之切方若長城其體至懷以安厥位所請宜

不允

奏劄云祖宗舊制不以蜀人為大帥云云

賜武康軍承宣使殿前副都指揮使夏襄納祿



不允詔

勅具悉卿誠於衛上為朕之信臣老於治兵為時之良將既越衆人而登用豈容一旦以告歸矧今師律浸修戎容載肅輕裘緩帶何禦侮之勞雅歌投壺有從軍之樂縱令自佚何以過茲為國折衝蓋無踰老臣者引年謝事豈所圖將軍亦所請宜不允

賜正奉大夫參知政事兼太子賓客樓鑰乞再挂衣冠不允詔

勅具悉卿自去夏以來致致告歸之請朕言誠悃非不欲從顧念國計所關為說有二大臣之道固匪一

真西山文集卷之二十

共

才

端至於合和朝廷調一天下非存心忠厚如古之吉人持論寬平若漢之長者則不足與任此卿於二者蓋庶幾焉其不可去一也朝有大政國有舊章孰咨謀繫我元老其不可去二也今雖紀綱畧定中外向治若建長策以起治功護元氣以固國脉兢兢業業正在斯時卿當勉留力輔不逮遽求自佚朕何望焉所請宜不允

賜光祿大夫提舉臨安府洞霄宮張巖辭免復資政殿學士依舊宮觀恩命不允詔

勅具悉朕惟皇建極以恕及人苟或取一節之長不

計平生之素其為忠厚殆過古初卿業自周行蹟  
登要路方進長西樞之日益與聞北伐之謀雖不能  
折王恢首事之非而粗知守魏絳和我之利物論固  
多於歸咎公朝寧過於用恩既于真祠復還舊職與  
人求備朕不忍為居寵思危爾當知戒策堅圖報焉  
用控詞所辭宜不允

賜中大夫權禮部尚書兼侍讀兼脩玉牒官章  
穎辭免除禮部尚書兼職依舊恩命不允詔

勅具悉昔朕之就傳也 先皇帝妙簡一時之望以

從我于潛藩琢磨以道誼漸漬以經術蓋無異商宗

。真西山文集卷之二十

十七

存世

之學其盤漢皇之得四皓也今其存者尚復幾人登  
進褒崇詎容或後卿正大之學足以格君清修之術  
足以勵俗中緣直道去國有年肆其耒歸擢侍煙幄  
閭閻惻惻動寓忠愛眠前為有加焉文昌六卿禮最  
高選載疇已試即念為真朕於故故尊賢庶幾兩得  
之矣杭章求避豈所圖於卿者哉所請宜不允

賜中奉大夫試尚書吏部侍郎兼太子右庶子

兼同修國史兼實錄院同修撰汪達辭免除權  
工部尚書兼職依舊恩命不允詔

勅具悉朕惟士大夫有以風節自持道誼自任標望

屹然為人物之冠者其在清明之世豈容進用之未  
至哉卿以洪毅任重之資博洽多聞之學寔似先正  
為時名流中緣直道見嫉群枉澹然自守士論宗之  
更化來歸寔在禁近朕心資其啟沃儲德賴其緝熙  
參稽師言擢掌事典傳曰正臣進者治之表薦紳方  
屬目焉亟行所知毋或多遜所辭宜不允

賜中奉大夫權工部尚書兼太子右庶子兼同  
修國史兼實錄院同修撰汪達辭免除權吏部  
尚書兼太子詹事日下供職不允詔

勅具悉朕惟職總三銓文昌為重地鄰六傳端尹為

○真西山文集卷之二十

十八

持

高以卿頃佐治官擅精明之譽久聯中護多輔導之  
功肆加二命之榮蓋極一時之選允諧衆望焉用宰  
辭夫綜叙人材不在身言書判之未緝熙儲德豈以  
章句文義為先有崔毛之行然後足以銷浮競之風  
有園綺之實然後足以廣見聞之益非卿不能任此  
非朕不能用卿亟其祇欽益寃所蘊所辭宜不允  
賜正奉大夫參知政事兼太子賓客樓鑰乞致  
仕不允不得再有陳請詔

勅具悉日卿引疾自言求釋政務朕嘗以二不可論  
卿矣今曾幾時復有是請夫正人治之表也昔艾民

之望也卿之在朝屹若山嶽鎮靜無作而群目自瞻去統之間其可以易昔楚丘生有言使我拔距投石則固老矣若深謀遠計則吾始壯也以卿之聰明疆力獸不當以是自許虜勉為朕番毋復言去所請宜不允不得再有陳請故茲詔示想宜知悉

賜正奉大夫守刑部尚書兼直學士院兼侍讀黃由乞畀外祠不允詔

勅具悉朕聞遭時行道君子之盛心徇國忘家人臣之大節故爵隆則務極其報任重則靡顧其私卿被遇祖宗為時耆舊其在潛邸以三善而翼朕躬其居

○真西山文集卷之二十

五

劉詩

從班以一言而平黨論雖屢更於藩屏每欽佇於儀刑比趣來歸訢聞入告闡溫厚之文以華國典廣哀矜之指以洽民心方懋簡知遽祈閑退夫朝廷之事重於閨門君臣之恩深於伉儷豈以悼亡之故遂虧盡瘁之忠勉服官常以慰人望所請宜不允

來奏臣妻胡氏

今以疾亡云云

賜降授朝議大夫李壁辭免復元官宮觀恩命

不允詔

勅具悉朕惟公論所在未有久而不明人材寔難弗忍使之終棄卿傳家之學貫乎古今憂世之心形於

辭色最參酸假屬值多虞處群小橫流之中而有陰  
扶善類之意當大權倒植之際而有密制元惡之謀  
况其過返於虜逆嘗欲挽回於兵燹謂世讐言固所當  
復而邊事豈可遽興至今斯言猶在朕聽迨奮授龜  
之决迄成解瑟之功稽其忠動厥有本末茲博參於  
清議爰盡洗於丹書既復文階仍頒祠廩以示原情  
之典以隆念舊之恩毋庸控詞尚克知報所辭宜不  
允

賜寶文閣學士通議大夫知江陵府克湖北路

安撫使克京西湖北路制置使李大性乞許奉

○直西山文集卷之二十

二十

詞詩  
言部

桐歸里不允詔

勅具悉卿填臨兩路出入四年雖用入之道勞佚宜  
均顧制閫之權重輕所繫與其勉從雅志歸尋故里  
之安孰若因任老成增長長城之衛矧卿負材獨異  
簡睠特深父子一門繼處嚴徐之近侍弟昆三鎮雄  
分魯衛之大邦恩隆則報稱宜先任重則倚毗滋厚  
尚體朝廷之意益緩江漢之民式佇邊歸奚煩忱請  
所請宜不允

賜正議大夫兵部尚書兼詳定勅令官趙師畢

乞歸田里不允詔

勅具悉朕惟 相武之敬中興今垂百祀以宗盟而  
位常伯僅止四人卿諷識通明負材超卓屢陟文昌  
之通列有光屬籍之前聞朕方招籲群英作興庶事  
耆德之彥猶多旣列以封功同姓之卿其可便私而  
去國尚勉靖共之操以酬春遇之恩何必告歸乃為  
知義所請宜不允

賜朝議大夫擢工部尚書兼同修國史兼實錄  
院同修撰兼太子詹事戴溪乞納祿歸田里不

允詔

勅具悉昔漢戴馮以說經不窮居待中之職晉戴逵

今直西山文集卷之下

廿

一百一

守道難進論者以為宜備東宮之官朕惟知學問淵  
博號諸儒之宗履行端醇負當世之望是月擢登文  
昌兼任詹省進則以忠規裨朕聽退則以經術輔吾  
兒朕之待卿者蓋不薄矣云胡引疾亟欲求歸載閱  
來章殊非所望所請宜不允

賜太中大夫知樞密院事兼參知政事兼太子

賓客雷孝友乞奉外祠不允詔

勅具悉朕以京菲之質日親萬機賴輔弼之臣共為  
一禮每推誠而任責期措世於不平以卿副毅質直  
有古人之風博厚魁闔有大臣之度擢在二府于今

正平其於貌禮之隆初無毫髮之間歎行所志可夫  
斯時而卿何嫌何疑亟求於引去豈朕不明不敏弗  
足以有為聞之撫然甚用自媿矧今外虞雖弭而元  
氣未充多事甫平而長策當建迨天之未陰雨宜謹  
豫防若水之無津涯政須同濟徃思底義勿復懷歸  
所請宜不允

賜正奉大夫守刑部尚書綠直學士院兼侍讀  
黃由乞歸田里不允詔

卿昔事潛藩居多忠益暨登法從厥有仁言當重華  
違豫之時朕獲以綠車入侍伊誰抗議卿寔開先以

真西山文集卷之二

廿二

三  
百  
年

其有功國家者一迨夫權臣竊柄私意日滋郡邪翼  
之和附如響而卿獨傲正論以鈞黨之禁為不可與  
深過衆言以發策之釐為不必問此其有功士類者  
二夫上則效忠於君父下焉弭禍於縉紳有臣如斯  
朕所嘉賴文昌帥屬經幄侍言正須老成宿望之英  
日有直亮多聞之助舍朕而去於義可辱所請宜不  
允

賜觀文殿學士金紫光祿大夫何澹再辭免差  
知江陵府恩命仍乞祠祿不允不得再有陳請

詔

勅其悉昔周公以叔父之尊而分陝服畢公以四特  
之弼而尹東郊古之大臣宣力王室潤澤生民不以  
老壯二其心蓋如此知時之舊德國之宗工出處之  
間輕重所繫茲庸畀卿上流之寄庶允寬予一面之  
憂謂宜邁驅乃以疾諗當時寒而遠後朕固有惕于  
中為民瘼而一行卿亦何辭之有亟承詔諭勿重有  
陳所辭宜不允不得再有陳請

賜朝議大夫試尚書吏部侍郎兼中書舍人兼  
太子右庶子兼同修國史實錄院同修撰曾從  
龍乞界祠祿或待闕便鄉州郡不允詔

真西山文集卷之二十

廿三

訓

勅其悉朕觀周公立政之書左右常伯其惟古士考  
賈誼治安之策輔導太子必以正人卿性資端良學  
行醇茂持衡銓部共稱鑒裁之公橫帙諸閣居多啟  
沃之助雖當盛年晉用之日蔚有碩德老成之風方  
憑簡知豈容輕去况進則雍容于禁闥退焉密勿於  
親遑顧非有北山之勞初何廢南陔之養尚其祇服  
勿復言歸所請宜不允



西山先生真文忠公文集卷第二十一

翰林詞草

答詔

賜光祿大夫右丞相兼樞密使兼太子少師  
史彌遠乞解政稅俾還田里不允詔

勅具悉朕惟古之大臣有身佩安危而不容以家國  
異視者曰世臣曰社稷臣若商之伊陟巫賢周之呂  
伋及虎世臣也漢之平勃唐之狄仁傑社稷臣也有  
一于斯去就之間俱不可苟而况兼之者乎卿繼世  
以秉鈞衡捐身以安宗廟勲烈茂盛簡于朕心可緣  
似續之私遽起燕閑之念惟今百度弛弛賴卿而浸  
修四方捨攘賴卿而畧定倘半塗而遂畫俾一篲之  
終虧旣非朕圖任責成之本心亦豈卿忘家徇國之  
初志勉思此義勿復有云所請宜不允

賜光祿大夫右丞相兼樞密使兼太子少師史  
彌遠辭免男寃之致仕轉官除職等指揮不允

詔

勅具悉夫元首股肱古人謂之一體戚休所在上下  
同之卿旣惟吾社稷之憂朕豈忘爾家疇之卹日聞  
冢嗣遽天天年當食喟然幾失匕箸念非假衰榮之

典不足慰慈愛之心。既秩星即進班，奎閣寵徒加於身後。息靡逮於生前，朕猶懔然。卿奚復遜所請，宜不允。

賜太中大夫權戶部尚書詳定勅令官沈作賓乞宮觀不允詔

勅具悉。朕聞士君子以適用為材，而不以空言為貴。以濟時為急，而不以輕去為高。如卿質析守符，著循良豈弟之績，薦司邦計，知欽散取予之權，恢牛刃而有餘。試蟻封而無窮，亦足以觀適用之材矣。文昌八座，地望兼崇，職在近臣，當思許國。顧方厭承明之直，羨真館之安，是豈急於濟時之誼。虜先正名臣，繇賞延而植勲業者多矣，而卿以此自憚，非所聞也。勉圖而功答我殊遇，所請宜不允。

賜光祿大夫右丞相兼樞密使兼太子少師史彌遠再上奏劄子乞歸田里不允不得再有陳

請詔

勅具悉。朕聞公與私不兩立，恩與義不並行。體國如家，則顧家之念可忘；視民如子，則愛子之情可奪。惟卿大節朕所深知，方其力陳社稷之謀，固已盡捐宗族之計。豈容今日或異初心，况聞幹蠱之有人，自可

殫誠而共政遽求閑退朕何望焉不所請宜不允不得再

賜顯謨閣直學士通奉大夫提舉隆興府王隆

萬壽宮謝源明乞守本官職致仕不允詔

勅具悉朕惟國家春煥舊臣有年至而不得謝者豈獨以爵齒為主哉蓋其周旋當世之故練習朝廷之儀一旦欲有問焉則安車束帛猶足以徠之此朕於近臣之告老未嘗輒可其奏者蓋以是也卿庸敏之材通明之畧出藩入從蔚有壯猷年齒雖高精力尚富雍容祠館足以自娛豈必挂冠然後為樂勉承春倚母重有言所請宜不允

真西山文集卷之二十一

三

賜大中大夫顯謨閣待制新知泉州陳峴辭免除兵部侍郎兼直學士院恩命不允詔

勅具悉朕登進老成以重朝廷之體尊獎庶靖以厚薦紳之風卿強識博聞淹貫千載英詞麗藻焜燿一時退然靡銜于智能卓爾獨安於義命當權門之翕赫其文館之委蛇衆翼怒飛儀鳳之翔何遠萬流奔注砥柱之立不移雖暫陪敵納之班旋復困排根而去粵余更化命爾殿藩遏寇虐於江湖之衝墜仁聲於嶺嶠之表厥有嘉績簡于朕知與其荐佩虎符以責拊摩之效孰若迎登釐禁以究潤色之長權貳五

兵加榮二命庶日賴謀猷之助且漸還典誥之隆亟其來思副此虛佇所辭宜不允

賜正奉大夫黃由辭免除寶謨閣學士提舉隆興府王隆萬壽宮恩命不允詔

勅具悉朕篤舊以恩每務存伐木之義退人以禮不忍蹈墜淵之說庶全忠厚之風益廣和平之福卿蚤緣迪簡服在禁嚴資善從游嘗與橫經之列其泉入侍婁躋聽履之班屬此退休可無優數畀真祠於南浦還邃職於西清朕於侍奉府之僚厥維加厚卿其存魏闕之念毋替效忠往體至懷亟祗茂渥所辭宜不允

真西山文集卷之二十一

四

賜寶謨閣直學士朝議大夫知建康府兼江淮制置使黃度乞檢會前奏許令致仕不允詔

勅具悉朕觀宣王之雅曰鴻鴈于飛肅肅其羽當時之民流散失職若是其甚也又曰之子于征劬勞于野當時之侯伯卿士勤求民隱若是其至也用能使百堵作而民安宅焉其功豈一日之積哉間者邊事驟興江淮之間繹騷者數載殆亡異鴻鴈之詩也而卿以儒學之宗任師帥之責推劬勞之心以行安輯之政我民告饒卿實哺之我民告疾卿實蘇之嚴遠

胥之令而盜賊銷汰沉食之兵而財用足元元用安  
舊觀震復鄉之力也民之說卿盖若鄭人之歌子產  
而朕輕聽其去可虜矧聞政事之間不廢講論之樂  
從容以治足以自安何必退休以孤衆望所請宜不  
允

賜端明殿學士通奉大夫簽書樞密院事兼太  
子賓客宇文紹節乞退休不允詔

勅具悉朕聞有國之執盖以得人為疆卻夾谷之俘  
則裔夷不敢謀夏抗澠池之辨則疆秦亡復加兵况  
朝廷輔弼之崇實中外觀瞻所繫非平時素有折衝  
之畧則臨事寧無失匕之驚卿學問高明知謀閱達  
蔚以儒者兼備武文之材自為從臣已稱將相之器  
延登三祀勵翼一心烽沈疆場之間殺卷江湖之上  
政須碩望以重籌惟庶免銷事變於未形抑亦顯世  
臣之有後遽茲求退匪朕欲聞所請宜不允

賜煥章閣直學士朝散郎知平江府趙希懌辭

免除顯謨閣直學士差知太平州恩命不允詔

勅具悉日者聽朝于垂拱二三大臣以姑孰缺守聞  
朕睠焉西顧曰此東晉以來名鎮也俗淳事簡有承  
平之遺風焉非平易近民如魯伯禽清靜不擾如齊

相國莫宜居之惟卿持身之德簡而廉愛人之心惠而篤遴東良牧孰如卿宜此丙寅之詔所以有易地進律之寵也况卿前在鍾陵當警備之日比守吳門適旱滂之餘勞來撫摩功績懋矣閔勞而處以佚非朕待遇近臣之至意乎式過其驅慰彼黎庶所辭宜不允

賜端明殿學士通奉大夫簽書樞密院事兼太子賓客宇文紹節再乞祿之閑散示以保全不允不得再有陳請詔

勅具悉朕緬懷先正嘗位樞連當王室多艱之時為人臣徇義之倡蓄旃海上莫回蘇武之心掘坎連中

具西山文集卷之二十一

六

梅鼎

卒奮真卿之節至今烈士猶仰英風蓋將為萬世立臣子之防夫豈計一門享忠誼之報御家傳正學躬負偉材護戎昭則底綏靖之勳踐政涖則多弼亮之益克有令聞肯于前人所當體予眷倚之誠懋乃經綸之業使中外寧一民俗阜康豈惟朕心有望於卿抑亦爾祖所期於後若乃道方行而遽畫功未竟而言歸俾予獲棄賢之說而卿亦負克家之責於義兩失將奚取焉勉聽朕言徃究爾韞所請宜不允不得再有陳請

賜端明殿學士太中大夫衛涇再辭免除資政  
殿學士知潭州恩命不允詔

勅具悉朕以孟春元日御紫宸朝三事大夫濟七在  
列緬惟更化之日厥有輔政之臣勤勞百為功績用  
懋久安閒館未愜予心是用加祕殿隆名俾填方岳  
夫當三陽彙進之初而褒德錄賢以順天令古之道  
也卿當深體此意式邁其驅布宣詔條推廣德澤惠  
綏田里勸課農桑使湖湘一道熙然於春風和氣中  
此朕所圖於舊弼者再命而僕非所欲聞所辭宜不  
允

真西山文集卷之二十一

七

符得

賜朝議大夫權工部尚書兼修國史兼實錄院  
同修撰兼太子詹事戴溪乞許納祿或畀祠祿

不允詔

勅具悉昔唐白居易以直道不容于時故年甫六十  
九辭宮傳之秩而歸休焉清名高行後世所慕望而  
不可及也雖然居易則誠賢矣苟時君能挽而留之  
用其言以顯其身使居易無勇退之名而唐室獲任  
賢之福豈不尤可尚邪今卿以白傳之年而數上澗  
槩之請豈非聞其風而興起者乎夫年未至而告歸  
在卿因為高致知賢而不盡用天下其謂朕何勉從

吾游毋使識者窺朝廷也所請宜不允

賜朝議大夫試尚書吏部侍郎兼中書舍人兼  
太子右庶子兼同修國史實錄院同修撰曾從  
龍辭免兼給事中兼直學士院日下供職恩命  
不允詔

勅具悉東西分臺均於裨國論內外有制皆以代王  
言然而六曹之押豈如瑣闥之嚴五字之除未若禁  
林之重卿學窮百氏名冠諸儒議論正而弗阿文章  
簡而有法以選詔之直必能為予謹命令之源以演  
誥之工必能為予顯典冊之寄在昔乾道有臣克家  
實繇平奏之司兼備摛文之對其抒素蘊以繼前脩  
蓋將為邦國之華何止盛鄉閭之觀亟祇茂渥寧事  
多辭所辭宜不允

賜正奉大夫參知政事兼太子賓客樓鑰乞歸  
田里不允詔

勅具悉卿以耆艾之齡貳鈞衡之寄陟降九陛不若  
山林之安憂勤百為寧如燕閒之樂此蘄去之章所  
以婁陳而未已也然而天生髦俊本以為人材者常  
躬天下之勞智者常任天下之患雖頽為庸人而莫  
得其可徇私志以圖安哉矧惟賢哲之逢辰率多既



之而後達若必引年而謝事守禮以乞身則渭濱黃髮之叟不得以究鷹揚之功而高蹈商山者不當起為羽翼之助矣朕意未以知其思焉所請宜不允

賜奉國軍承宣使知開門事兼賓省四方館事兼提點御前忠佐軍頭引見司楊谷乞昇祠祿不允詔

勅具悉卿柔惠且直蹈申伯之風退遜不驕秉實君之節藹然譽處簡在朕心方資肺腑之良重吾賓閣之寄而上書求退為之憮然昔詩人以王事靡盬興不皇將父之嘆今卿雍容朝謁無從事獨賢之勞而安車數過有擊鮮娛侍之樂維忠與孝何廢兩全勉服厥官毋重請也所請宜不允

賜中大夫試禮部尚書兼侍讀兼修玉牒官章穎乞引年致仕歸休田里不允詔

勅具悉朝廷所尊實兼爵德典刑雖重未若老成卿造道深醇養氣剛大在紹熙末以謹言位諫列迨慶元初以直道忤柄臣棲遲十年連蹇三紕多士宗其高行當世謂之正人自歸踐於禁塗仍首陪於經席漢遼皆憚汲黯凜骨鯁之未衰商宗舊學其盤喜儀刑之復見親賢方篤避位何名尚殫入告之歆毋徇

退休之志所請宜不允

賜中大夫章穎辭免除寶謨閣學士恩命不允

詔

勅具悉昔我烈考傳求當世之彥以從朕于潛藩二十餘年之間老成凋零存者無幾嗟念疇昔怒焉與懷環簷在廷獨卿寂舊顧可輕聽其去哉而引年之章婁卻復上夫尊者艾垂朝廷朕之本志也礪庶隅知止足卿之至情也朕既不獲留卿于近班亦豈不能賁卿以異數延閣之命人誰間言徃服新榮以燕里社所辭宜不允

真西山文集卷之二十一

十

居四

賜光祿大夫右丞相兼樞密使兼太子少師史

彌遠辭免以皇太子講授春秋終篇特與轉

一官恩命不允詔

勅具悉朕惟天子天下之本非務學無以充德性之尊春秋王道之衡非親師無以究聖言之秘卿識超物表行冠儒先久陪鶴禁之游備闡麟經之蘊使二百年褒貶之要指悉融會於胸中而十數家傳注之遺文不拘牽於紙上卿之力也朕甚嘉之夫弼元良以基萬世之安厥功為大循典常以疏一秩之寵於質猶輕毋庸固辭徃即祇命所辭宜不允

賜太中大夫知樞密院事雷孝友正奉大夫參  
知政事樓鑰太中大夫同知樞密院事章良能  
端明殿學士通奉大夫簽書樞密院事宇文紹  
節兼太子賓客辭免 皇太子講授春秋終篇  
各特與轉行一官不允詔

勅具悉昔晉侯以羊舌肸習於春秋使傳太子彪楚  
莊王問教太子之道於申叔時亦必春秋為首方是  
時麟經未作二臣所學蓋乘檮杌之類耳孰若取聖  
人之微言擇天下之端士以訓導元子如今日之懿  
哉卿等蔚以鴻儒參陪國論事攬之暇從吾兒游究  
終始於遺經迪高明於德性其為益大矣進官一等  
茲謂故常陳義固辭殊非所望所辭宜不允

賜朝議大夫試尚書吏部侍郎兼太子右庶子  
兼同修國史實錄院同修撰兼給事中兼直學  
士院曾從龍辭免 皇太子講授春秋終篇特  
與轉行一官恩命不允詔

勅具悉朕惟三代饗國之長原於太子六經致治之  
法脩在春秋博求孝悌道術之英推明是非褒貶之  
旨而卿越繇時望久與寶僚每敷繹於聖言以養成  
於儲德俾王裕淵冲之愈粹猶膏潤冰釋而不知載

嘉爾勞命晉之秩顧循播而有請欲及汗其謂何生  
服褒崇之恩益禪輔導之力所辭宜不允

賜顯謨閣直學士朝散郎知太平軍州事兼管  
內勸農營田使趙希懌乞畀祠祿不允詔

勅具悉朕惟用苛饒以勝姦不若清靜而民自化求  
武健以濟事不若循良而物自安故擇蕃宣之臣必  
先慈惠之長雖泯然風采歲月未見其功而培我本  
根國家實蒙其利卿秉心蘇格為時德人布政寬平  
如古賢牧比上全吳之印亟畀當塗之麾申伯相攸  
莫如南土之樂及黜貶治足底淮陽之清遽茲求閒  
非朕所望所請宜不允

真雷山文集卷之二十一

十一

三國志

賜中大夫試尚書吏部侍郎兼中書舍人兼同  
脩國史兼實錄院同修撰兼侍讀俞烈辭免經  
筵進講周易終篇侍讀官特與轉行一官恩命  
不允詔

勅具悉朕若稽 先朝最重易學對昭素於使駿純  
懷 藝祖之風命李覺於成均載仙 太宗之懿顧  
如冲眇敢廢講論帛編幾至於絕三卦畫冀明於重  
六卿為時馮碩密侍燕閒每當從容訪問之餘盡發  
索靜精微之蘊俾予上窺天地之奧遠究聖賢之心

體純乾之運而知剛健之德當修研交泰之占而使  
上下之情無壅既懋格君之益可忘增秩之褒亟拜  
渙恩毋庸異避所辭宜不允

賜通議大夫知樞密院事兼參知政事雷孝友  
宣奉大夫參知政事樓鑰通議大夫同知樞密  
院事章良能端明殿學士正議大夫簽書樞密  
院事宇文紹節兼太子賓客辭免 皇太子讀

三朝寶訓終篇並特與轉行一官不允詔

勅孝友等具悉朕觀三代盛時惟先王彛訓是式如  
奉拱璧如寶天龜兢兢焉罔敢失墜是以皇祖之訓

真西三集卷之二

十三

二

著于夏書文王之謨述于周命故能保世滋大以敷  
遺後人休惟我 三朝格言大法具在一書猶古二

典朕固嘗讀之于經帷復命群儒以授儲禁俾吾元  
子知創業守文之艱明修身治國之要懋敬厥德以  
對于前人其為益大矣終篇論賞徧于宮僚豈吾大  
臣廼獨弗及朕命不易往惟欽哉所辭宜不允

賜太中大夫權吏部尚書兼太子詹事汪達中  
大夫權工部尚書兼太子詹事戴溪中大夫誠  
尚書吏部侍郎兼太子右庶子曾從龍辭免以  
皇太子讀三朝寶訓終篇推賞各與轉一官恩

命不允詔

勅具悉朕觀隆古盛時之治動惟先王成憲之師五  
子之歌具陳皇祖之訓君牙之命亦述文王之謨此  
三代所繇以久長予一人敢忘於倣法矧烈祖  
神宗之相授有格言大典之具垂既常率是以御邦  
茲復用之而教子卿等越由時聖久翊儲闈當橫帙  
之位容每殫誠於啟沃俾元良養德之日茂知  
列聖詒謀之易遵有嘉輔導之功可緩懷崇之渥往  
其祇命毋或固辭所辭宜不允

賜寶謨閣直學士朝議大夫知建康軍府事黃

真西山文集卷之二十一

十四

周田

度辭免除權禮部尚書兼侍讀恩命不允詔

勅具悉朕聞之傳曰禮之為國與天地並書曰事不  
師古以克求世匪說攸聞大哉禮乎不可以一朝廢  
也大哉學乎不可以斯湏已也粵惟眇躬燭理尚淺  
方將洽神人而和上下考成敗以鑑古今以卿深窮  
周公致乎之書獨抱孟子敬王之志久去邇列渴聞  
嘉猷故命吾夷夔之官俾日陳堯舜之道屬任之意  
豈輕也哉夫老成進則國體自尊正人用則治表可  
見朕方虛峙以峻造朝陳義固辭良非所望所辭宜  
不允

賜中大夫試吏部侍郎兼太子右庶子兼同修國史實錄院同修撰兼給事中兼直學士院曾從龍辭免權刑部尚書兼職依舊日下供職恩命不允詔

勅具悉朕觀古人之倫刑也不曰惟克天德自作元命則曰九制五刑必即天論蓋用刑之權本出于天人主與有司特奉行之耳今吾士大夫以刑為職者非一而大司寇實總獄之成以告于朝是蓋佐朕行天討者也任非其人命曰曩天朕敢乎哉卿氣嚴行方守以忠恕心能為國謹惜民命茲庸俾爾進長于秋官卿其祇服追司推不忍之心行無私之法庶幾對越上帝以迓無疆之休願不偉哉退託弗能殊非所望可辭宜不允

賜太子大夫權吏部尚書兼太子詹事兼同修國史兼實錄院同修撰汪遠辭免除吏部尚書兼職依舊恩命不允詔

勅具悉朕因讀易有感乎復之彖曰利有攸往剛長也夫陽升則陰伏君子盛則小人消興替之源靡不繇此茲用並登群賢穆布邇列蓋一日而進擢者數人焉所以廣衆正之塗重本朝之體也卿以儒宗

陪禁從謹言直道寔似其先肆命正天官之除首常伯之位論思放沃寔無過之地自今益有望於卿選舉清平直餘事耳尚体斯意何以辭為所辭宜不允

賜通議大夫試刑部尚書兼詳定勅令李大性辭免除兵部尚書職依舊恩命不允詔

勅具悉朕以兼覆為度不忍毒民於兵載尋拜盟以息邊警然修文德以徠不服雖本至仁而除戎器以戒不虞抑存遠慮肆求耆哲裨長夏官示懲戎經武之未忘亦折衝銷萌之有賴卿夙推峻壘獨負壯猷名聞朔陲蠻貊亦可行矣惠洽南夏江漢至今賴之比趣來歸忻聆入告雖曰明刑而弼教未如掌伐以正邦庶資老謀以肅軍政成命弗易多辭奚為所辭宜不允

齊真西山文集卷之二十一

十六

賜中大夫新除工部尚書兼同修國史兼實錄院同修撰兼太子詹事戴溪辭免陞兼脩國史者幾希卿為時儒先篤志經學蓋於尊王黜伯之誼勅具悉朕聞之記曰屬辭比事而不亂則深於春秋

兼實錄院脩撰恩命不允詔

勅具悉朕聞之記曰屬辭比事而不亂則深於春秋者也居述史之官而不明聖人筆削之指其能勝任者幾希卿為時儒先篤志經學蓋於尊王黜伯之誼



賞善罰惡之權混融貫通如指諸掌發凡起例因所  
優為今 三朝之典未免闕遺甲寅之記尚多牴牾  
正賴鴻筆勒成倍書矧卿與遠俱 慶元史官之舊  
並命修纂人皆前定徃殫副墨之歷以究汗青之緒  
所辭宜不允

賜吏部尚書兼太子詹事汪達工部尚書兼太  
子詹事戴溪權刑部尚書兼太子右庶子曾從  
龍辭免

皇太子講授周易終篇推恩特與轉行一官不  
允詔

勅具悉昔漢明帝之為太子授經於名儒劉昆然昆  
之場學本于京氏以區區占驗之術欲以成溫文之  
懿豈不由卻行而求前乎今朕博選俊髦輔導吾子  
惟知師友淵源粹然出止用能發三聖精微之蘊裨  
元良聚辨之功俾蓄德日新震器增重以此受賞豈  
為無名抗章力辭非朕志也所辭宜不允

賜太中大夫新除吏部尚書兼太子詹事江達  
兼同修國史兼實錄院同修撰辭免陞兼修國  
史兼實錄修撰不允詔

勅具悉朕惟古之太史必世其官下至兩漢司馬氏

班氏父子猶以椎文麗藻擅制作之盛後之論史者  
首稽焉惟乃先正以名世鉅儒受知我烈祖實器  
銓衡之長顓筆削之權距今餘四十年朕復命卿嗣  
掌厥事豈欲以一職為知榮哉顧今三朝之典未  
免闕遺甲寅之記尚多牴牾往率厥屬勅成信書使  
班馬氏不得專美于前此知所當自期者抗章避寵  
豈朕欲聞所辭宜不允

賜朝奉大夫試中書舍人兼權禮部侍郎兼修  
玉牒官兼侍讀范之彛辭免除禮部侍郎兼中  
書舍人恩命不允詔

真西山文集卷之二十一

十八

勅具悉朕惟慶曆元祐之盛若文正忠宣之賢  
雖善人吾不見之歎九原之莫作然故家猶有存者  
蓋百世而復興卿蚤傳韋氏之經克寶鄭公之笏其  
踐諫省以謹論沃朕心其登綸閣以英辭華國體矧  
和典攝丞之既久於禮文參訂以尤多載嘉爾勤就  
正厥秩朕方慨慕先朝之烈卿其勉追廼祖之風  
用副隆知奚煩多遜所辭宜不允

賜通奉大夫守吏部尚書兼太子詹事兼修國  
史兼實錄院修撰汪逵乞休致不允詔

勅具悉朕延登正人穆布邇列賴朝夕論思之益建

國家久長之基卿學為一代之宗位處六官之長觀  
瞻共屬倚注允深所當以邁往之氣而出憂時之言  
以康濟之材而抒及物之溫使朕獲老成之用而世  
知儒者之功豈惟多士有望于卿抑亦先正所期於  
後若乃道方行而遽畫年甫至而求歸既非耿冲擢  
任之本心亦豈平昔自期之壯志尚安厥位勿復有  
陳所請宜不允

賜通議大夫同知樞密院事兼太子賓客章良  
能乞在外官觀不允詔

勅具悉朕不見卿數月矣以朕懷卿欲見之心知卿

真西山文集卷之二十一

十九

未忘於朕也屬聞有瘳則為之喜入對便朝體力如  
故則又加喜焉顧方日親嘉謀以輔不逮而需章處  
上若不容一日番何哉夫恩義相須誠如來奏傳曰  
為人臣者無以有己此義之大者也若乃圖一身之  
便安而忘眷倚之至重又焉得為義乎以卿之明當  
知所擇悉心思報毋或他云所請宜不允

賜少保師揆辭免除少傅依前皇伯奉國軍節  
度使充萬壽觀使嗣秀王加食邑食實封恩命

不允詔

勅具悉朕更新治化于茲系年農疇屢登邊鄙不聳

豈予一人所能致哉蓋天地 祖宗之靈寔嘉相之  
也是用迎日之至躬展羨報以對越于神休而禮行  
之夕瑞應卿答雲物卷稷月星舒華亦豈予一人所  
能致哉群工庶正與我一族老寔顯相之也已事  
而竣既施澤於中外矣明德茂親有如伯父其可無  
以表異之乎孤傅之崇以待耆喆朕命弗易毋煩控  
詞所辭宜不允

賜光祿大夫樓鑰辭免除資政殿學士知太平  
州恩命不允詔

勅具悉朕嘗 開禧改絃之日首思 慶元曳履之

臣聘角里於嵩山在廷咸竦舍申公於魯卽視古有  
光擢在通聯進參大政謀猷足以經萬務德望足以  
師百僚予維倚毗士有矜式屬嬰微疾遽驚歸心披  
告老之章殆幾八九諭貪賢之指亦既再三確爾莫  
回為之太息念累歲與廟堂之畫厥有成勞顧一朝  
上印綬而歸可無異數通班秘殿偃息便藩朕猶有  
憮于中知尚何辭之力亟祗茂渥庸副至懷所辭宜  
不允

賜光祿大夫新除資政殿學士樓鑰辭免除資  
政殿大學士在京宮觀任便居住恩命不允詔

勅具悉朕惟昔耆耆舊之臣蓋或起於燕闕之後遂稽漢室若園公綺里季之肯來近憶 阜陵若張燾辛次膺之復用考其在列魯不幾時未有更東西兩地之崇歷先後六年之久凡更化以來之規畫賴同心相與以扶持迄成庶和嘉靖之休居多元老弼諧之助悵挽晉之莫遂顧 疏寵以宜優冠祕職於殿廡領真祠於轂下身安晚節未容居易之退休國有大疑尚冀仲舒之就問徃欽時命毋有遐心所辭宜不允

賜起復正議大夫右丞相兼樞密使兼太子少

真西山文集卷之二十一

廿一

師史彌遠辭免特授正奉大夫加食邑食實封

恩命不允詔

勅具悉國朝之制凡大典禮大慶賚丞相率居其先焉所以重朝廷尊庶陛今朕涓日陳儀冊拜元子恩典之行宜自卿始而逡巡固避至于再三越既崇舊弼獎族老而後及卿所以屈彛章伸雅素者不為不至矣尚欲力辭非予所敢知也所辭宜不允

賜起復正議大夫右丞相兼樞密使兼太子少

師史彌遠再上奏劄子辭免以 皇太子冊寶

推恩特授正奉大夫加食邑食實封恩命不允

更不得再有陳請詔

勅具悉朕以卿輔翼元儲功德茂盛考循故實命晉  
文陛而控避之章既卻復上前所諭答固已諄諄胡  
為確然不易所守夫崇德報功國之典也辭榮避寵  
卿之心也卿欲行志朕欲行禮志與禮孰重卿其思  
焉所辭宜不允

賜通議大夫試工部尚書兼修國史兼實錄院

修撰兼太子詹事戴溪乞許納祿休致不允詔

勅具悉昔漢疏廣為東宮傳自以宦成名立浩然勇  
退論者高之夫知止之風在廣誠可嘉矣然知其賢  
而許之去豈非宣帝與太子之責哉今卿經學深明  
德行醇茂朕既倍之自近而吾元子尊師重道尤不  
可一日無卿祖張都門揮金田里悃誠雖切誼未可  
泛所請宜不允

西山先生真文忠公文集卷第二十二

翰林詞草

答詔

賜金紫光祿大夫右丞相史彌遠辭免進呈  
安奉 三祖下第七世仙源類譜高宗皇帝  
寶訓 今上皇帝玉牒 今上皇帝會要禮  
畢三局提舉官并進呈安奉玉牒禮儀便各  
特與轉兩官依例加恩令學士院降詔恩命  
不允詔

勅具悉日卿總領諸儒以四書來上侵容縉典視昔

○真西山文集卷之二十一

一

華

有加或謂一時文物之盛而已孰知其深助朕德而  
有裨治功哉蓋鑑宗支之籍則思睦族不可忘讀典  
謨之訓則思成憲不可失若朕涼菲雖微足書然行  
一政令而史牒紀之講一典禮而會要傳之使予惕  
然益知為君之難者亦書之力也卿以鴻儒提鉅筆  
又以元宰贊盛儀懋賞之行其曷可後徃恭朕命毋  
復異詞所辭宜不允

賜正議大夫知樞密院事兼參知政事兼太子  
賓客雷孝友再上奏劄子乞歸休田里不允不  
得再有陳請詔

勅具悉朕內修經國之謨外講安邊之畫念端委廟堂而共政准二三臣苟折衝樽俎之有人賢十萬衆卿以魁壘之器雄剛之材正色立朝真後凋之松柏同輔政有相濟之鹽梅當夙宵圖乂之秋正上下交修之日春時邇列稀若晨星獨我老成屹如砥柱俾朕躬之有賴諒天意之使然與其志在丘園冀私情之適孰若心存社稷合大義之公徃佩予言勉緩爾位所請宜不允不得再有陳請

賜正奉大夫守吏部尚書兼太子詹事兼修國

史兼實錄院同修撰汪達辭免除顯謨閣學士

合真西山文集卷之二十二

二

吳華

提舉佑神觀依舊兼太子詹事兼修國史實錄

院同修撰仍令赴四參恩命不允詔

勅具悉朕以尊用老成為重挽之唯恐弗留卿以保全名節為高去之唯恐不力故於二者思擇其中釋銓筦而侍真祠所以示閔勞之意列清廂而輪儲禁所以示貪賢之心卿猶固辭其詎安在所辭宜不允賜寶謨閣直學士中大夫新知漳州府劉光祖

乞提舉宮觀一次不允詔

勅具悉昔在先朝有臣趙抃立朝則忠於君治郡則仁於民朕緬懷遺風謂不復見求之當世迺得其



人卿以剛毅正直之資兼慈祥樂易之德曩可言責  
誠節貫于天淵比典藩維惠澤流于江漢揆諸前哲  
異世同心維時梓潼緊乃舊服徒得君重勉答父老  
子弟之思政雖家居何以過此奉祠之請非所欲聞  
所請宜不允

賜正議大夫守兵部尚書兼詳定勅令官兼權

吏部尚書李大性辭免除吏部尚書兼職依舊

日下供職恩命不允詔

勅具悉朕惟銓綜之寄古今所難雖一定若權衡蓋  
自有不欺之法非至明如水鏡豈能勝無窮之姦故

真西山文集卷之二十一

三

吳華

法非人而莫行官以人而後重而况職亞近輔位尊  
文昌必得耆舊之臣乃當選用之意卿蚤列法從為  
時名流博貫郡書於典章尤所該洽周行萬里於情  
偽靡不照知必能以鑒裁之公收平允之譽徃共乃  
職稱朕志焉所辭宜不允

賜通奉大夫權刑部尚書兼太子右庶子兼同

修國史實錄院同修撰兼給事中兼直學士院

曾從龍辭免除禮部尚書兼職並依舊日下供

職恩命不允詔

勅具悉昔虞書之論天秩實在天討之先周官之設

邦刑列於邦禮之後蓋法令特輔治之具而教化有  
範民之功朕方修明舊章蒐舉隆典自非當世豪英  
之士孰識古人制作之源卿學足以致知才足以大  
受廣廷待問首陳疆勉力行之言狀歲躋榮已著老  
成重德之望惟時宗伯政待鴻儒與其嬰簿書獄訟  
之勞孰若付俎豆禮文之事庶因稽古之暇采畫告  
猷之忠徃悉乃心庸稱朕志所辭宜不允

賜通奉大夫新除禮部尚書燕大子右庶子兼  
同修國史實錄院同修撰兼給事中兼直學士  
院曾從龍辭免兼實錄院修撰恩命不允詔

○真西山文集卷之十二

四

吳華

勅具悉朕觀 咸平之世去 太祖 太宗未遠也  
而我 章聖皇帝喟然深念亟命纂修正史於是名  
臣楊億輩寔膺是選越五載而書用成筆削得人其  
效如此於惟中興 三聖授受功德盛矣而汗青之  
典猶未就緒朕甚慙焉卿文紹卿雲學富班馬必能  
以大手筆成一家言徃哉勿辭副朕所望所辭宜不  
允

賜資政殿大學士正議大夫知興元軍府事兼  
管內勸農營田使充利州路安撫使馬步軍都  
總管四川制置大使安丙辭免除同知樞密院

事兼太子賓客日下起發赴院治事恩命不允  
詔

勅具悉昔在 阜陵之盛緬懷蜀道之難選任惟精  
率取一時之傑功庸既懋必躋兩地之嚴仰窺宏摹  
厥有深旨卿以魁壘之器雄剛之材忠義貫乎神明  
威名震乎戎落百年彞鼎丕昭曠世之勳萬里岷峨  
坐復承平之觀念宜勞之浸久豈圖任之可忘渴聞  
話言想見風采肆擢陪於右府併參護於春宮顧南  
渡中興以來餘八十載若西州與政之彥凡六七人  
皆嘗服采于朝始拜登庸之寵維卿殊遇眦昔尠儔  
宜追聞命引道之風庸副側席待賢之意所辭宜不  
允

真西山文集卷之二十一

五

華

賜顯謨閣直學士太中大夫知潼川軍府事兼  
管內勸農使兼提舉潼川府界渠州懷安等軍  
兵巡檢盜賊公事劉甲辭免除寶謨閣學士知  
興元府兼本路安撫使填見闕兼節制本路屯  
戍軍馬就送還人限一日起發之任候任滿前  
來奏事時暫兼權四川制置司職事恩命不允

詔

勅具悉朕顧蒼南鄭莽蔽西陲鄰境多虞政保邊之

當急元戎新易念謀帥之孔艱非威名素著不足以  
熱敵心非恩信久孚不足以尉民望博參于衆未有  
如卿故擢專帥閫之雄仍暫領制垣之重庶幾麾幟  
弗改而氣自精明鈇鉞未施而人自畏服此朕仰成  
之本意亦卿夙負之壯猶胡為抗章未即引道去勞  
法從以劇煩之寄屈高年於扞禦之衝顧朕至懷良  
非獲已諒以急病孫夷之素必無辭難就佚之私亟  
拜恩微寬吾憂顧所辭宜不允

賜資政殿學士通議大夫知潭州軍州事兼管

內勸農營田使充荊湖南路安撫使馬步軍都

合真西山文集卷之二十一

六

華

總管衛涇辭免除資政殿大學士知隆興府江

西安撫使填見闕恩命不允詔

勅具悉朕惟尊方鎮之權所以衛王室優大臣之禮  
所以重朝廷卿夙負軼材蔚為偉器參國枋於萬化  
更新之日有彌縫輔贊之功建帥旄於一方甫定之  
餘有鎮靜綏懷之畧顧方深於嘉賴迺婁丐於歸休  
為爾相攸莫如自近大江西南綿數千里昔稱會府  
之雄中興牧伯餘四十八半用政塗之舊申加隆委  
就陟寵名使周邦喜良翰之臨知朕志軫斯民之厚  
尚體茲意毋為固辭所辭宜不允

賜朝議大夫試尚書禮部侍郎兼中書舍人兼  
修玉牒官兼侍讀范之柔辭免權刑部尚書日  
下供職恩命不允詔

勅具悉維我 皇祖肇開邦圖首除五季之淫刑浸  
復成周之中典俾天下元元之蕃庶各保其生而國  
家世世之康寧皆基于此顧朕涼菲敢忘續承肆擇  
儒英進司邦禁庶闡洽德好生之化以為折天永命  
之原卿剛毅而裕和清明而簡重博參于衆宜在此  
官昔文正議仲約之刑不欲開人主以殺戮之漸忠  
宣爭新州之獄獨思為朝廷存長厚之風諒惟世臣  
深識此意亟其抵服副朕選掄所辭宜不允

真西文集卷之三

七

七

賜資政殿學士通議大夫知潭州衛涇上表再  
辭免除資政殿大學士知隆興府江西安撫使  
恩命不允不得再有陳請詔

勅具悉日者豫章郡以缺牧聞朕膳焉西顧曰此  
孝宗皇帝龍潛之舊服也襟江而帶湖物衆而地大  
非吾股肱舊人功在正室而澤在生民莫宜居之顧  
咨近臣咸以卿對朕於是五月乙亥之詔烏詩不  
云瘁在彼無惡在此無斃夫能使政孚于湖南而不  
能使化行於江右者非所聞也亟賸而車庸答民望

所辭宜不允不得再有陳

賜資政殿大學士正議大夫安丙辭免除觀文  
殿大學士知潭州兼荊湖南路安撫使填見闕  
恩命不允詔

勅具悉朕以卿威名夙著宜入贊機廷卿廼以疾疾  
自言願退休祠館將必行朕命則非所以示閔勞之  
心若遽聽卿歸又非所以盡貪賢之誼深求其當宜  
適厥中維紫宸於近職為獨高維星沙於外藩為最  
佚寵名赫奕實均廊廟之瞻嘯諾優繇仍遂湖山之  
樂其體相攸之意毋形知止之言所辭宜不允

真西山集卷之三十一

八

恭

賜金紫光祿大夫右丞相兼樞密使兼太子少  
師魯國公史彌遠辭免以皇太子講毛詩終  
篇特與轉行一官恩命不允詔

勅具悉朕遙觀前代之隆莫重元良之教出則有師  
入則有保既皆選用於正人邇之事父遠之事君欲  
使深明於大義惟六詩之當究在三善以充先卿蔚  
以鴻儒久陪鶴禁周旋羽翼獨高園綺之功導迪性  
情匪顯毛鄭之學屬摭終篇之奏徧推橫帙之褒矧  
古元臣可後寵秩其祗予命益既廼心所辭宜不允  
賜禮部尚書兼太子詹事兼給事中兼直學士

院曾從龍華文閣學士兼太子詹事戴溪刑部  
侍郎兼太子左諭德劉燾辭免以 皇太子講  
毛詩終篇各時典轉行一官恩命不允詔

勅具悉朕惟求多聞乃有獲實哲王永世之規不學  
詩無以言蓋聖門教子之凜肆時端士俾翼元良必  
先大義之陳以裨三善之懿卿心傳洙泗學陋毛韓  
其於從容諷誦之間居多涵泳性情之益既終厥性  
宜獎爾勞其丞佩於寵光尚益歷於輔導所辭宜不  
允

賜資政殿大學士正議大夫安丙二表再辭免

○京西山人文集卷之二十一

九

華

除觀文殿學士知潭州兼荆湖南路安撫使填  
見闕恩命不允不得再有陳請詔

勅具悉迺者念卿久勞于外擢贊本兵之任冀聞告  
后之猷疊摠來章具陳至意謂方脫瞿唐之嶮願少  
休荆渚之間義雖急於親賢恩尤先於從欲故待以  
宰臣之禮而付之連帥之權蓋狗忱辭匪緣他故而  
卿乃惟多言之是畏恩勇退以自謀聞之憮然慮亦  
過矣朕方推誠者哲務全終始之恩卿其戮力國家  
勿以中外為間所辭宜不允

賜金紫光祿大夫右丞相兼樞密使兼太子少

師魯國公史彌遠辭免為進呈安秦高宗皇帝  
中興經武要略了畢提舉官就差禮儀使各特  
與轉兩官依例加恩令學士院降制恩命不允  
詔

勅具悉朕惟我烈祖以天授之資再造鴻業雖神  
機妙算不可迹窺至於整戎經武之方安邊制勝之  
畫布在方榮煥如日星其在菲涼敢忘取法肆命纂  
輯載為一書歷年于茲迺克登奉提綱領使卿實顯  
之稽諸舊章其可不賞昔下武之詩為繼文而作也  
卿其輔朕懋建長策以明昭于前人老時乃朕志區  
區品秩何足以辭所辭宜不允

○真西山文集卷之二十一

十

華

賜寶謨閣直學士朝議大夫前知成都府路安  
撫使黃疇若辭免除兵部尚書兼太子右庶子  
恩命不允詔

勅具悉維蜀萬里在天一方自昔祖宗之時已  
隆牧守之寄當其臨遣必有以寵其行越既勞還必  
有以旌其最卿曩繇邇列出撫遠民其威名立斷有  
張詠之風其簡易弗苛如趙抃之政使蠶叢魚鳧之  
舊俗咸底樂生雖白狼槃木之諸夷亦皆効順既省  
四顧爰命東歸間闕六年喜風神之尚壯諄勳三疏



偉論議之可觀宜登夏官常伯之聯併領春宮中護之職其思羨報母事謙辭所辭宜不允

賜朝議大夫新除權兵部尚書兼太子右庶子黃疇若乞畀祠祿不允詔

勅具悉朕以卿去國六年守藩萬里念不見賈生之久故式遄山甫之歸置之大司馬之聯寵以中庶子之職方將屢趣燕閒之對俾整所懷庶幾力陳鯁諤之規有裨予聽偶茲移疾遽欲節安既邇盡瘁事國之素心亦豈側席待賢之本志其思加奮亟底有瘳苟未遂於造朝政何嫌於予告所請宜不允

批答

真西山文集卷之十三

十一

賜起復正議大夫右丞相兼樞密使兼太子少師史彌遠再上表辭免 皇太子冊寶推恩轉行一官恩命不允仍斷來章批答

省表具之朕聞予奪不同惟功是眡辭受何常惟義之歸當予而利印非所以勸功宜受而循牆非所以合義若昔聖賢之論尤嚴取舍之間苟有其名則兼金之重孟子弗以為非不由其道則五兩之微楊雄猶以為泰今卿輔成儲貳之德於朕蓋有社稷之勲祗進一官顧形三請夫贊龍樓之禮豈如衛翼之誠

深伸虎拜之恭孰若師承之道重况循常典非出異

來奏云以疾不  
及贊龍樓之禮

恩宜悉眷懷母煩詞費所辭宜不允

伸虎拜之  
恭故云

賜嗣秀王師揆辭免除少保依前皇伯奉國軍  
節度使充萬壽觀使加食邑食實封恩命不允

批答

省表具之二孤之官在周為寅亮天地之職今雖名  
存實異朕命數禮秩蓋與丞相等朕未嘗輕於授人  
也卿以溫良易直之資耆明醇茂之識為宗室祭酒  
視儀三事亦既有年肆予考之勳章登拜亞保非獨  
後鉅典之成而已亦俾振振麟趾之族知有德如卿  
然後足以當此位其為勸勵不既多乎亟其祗欽毋  
違朕命所辭宜不允

真西山文集卷之十二

十二

賜嗣濮王不儻上表再辭免特授檢校少保依  
前昭慶軍節度使提舉佑神觀嗣濮王加食邑  
食實封恩命不允仍斷來章批答

省表具之夫建元子以奉粢盛褒同姓以壯藩翰其  
事雖殊其為尊祖重本一也孟子曰古之人所以大  
過人者無他善推其所為而已矣今朕因父子之親  
而施恩宗族非善推所為之誼虜方將以是勵風俗

厚人倫以教天下之愛卿言雖力不得而從所辭宜不允仍斷來章

賜嗣秀王師揆再上表辭免除少保依前皇伯奉國軍節度使充萬壽觀使加食邑食實封恩命不允仍斷來章批答

省表具之朕讀詩至大雅曰懷德維寧宗子維城未嘗不置書三歎也於辱有國家者其可不寵綏同姓以為藩垣之助哉眇予小子嗣守丕緒惟修德以固宗子者未嘗一日忘庶幾行蓄忠厚之風興於今日而况予一人伯父之尊 三朝屬籍之老褒崇之典其庸可後序升華三孤亦既脫矣卿而不宜尚誰宜之趣祇朕恩毋或多遜所辭宜不允仍斷來章

賜正議大夫史彌遠再上表辭克特授光祿大夫右丞相兼樞密使兼太子少師奉化縣開國公加食邑食實封恩命不允仍斷來章批答

省表具之朕聞諸孟子曰所謂故國者非謂有喬木之謂也有世臣之謂也蓋惟世臣與國同體故當以安社稷為悅不當以辭爵位為高卿忠正勤勞素明斯誼迺者纍然在疚尚能體眷倚之重勉服厥位以圖經綸之功况今祥禴既終禮制無闕是固悉心黼

政之日也甲寅制書誕告有位群工庶正僉曰允哉  
卿其祇服訓言迪朕不逮君臣同心克享上帝以迓  
續無疆之休卿亦與有無窮之聞豈不賢於辟寵之  
煩乎所辭宜不允仍斷來章

賜光祿大夫右丞相兼樞密使兼太子少師史  
彌遠再上表辭免 皇太子講授春秋終篇特  
與轉行一官恩命不允仍斷來章批答

省表具之昔漢明帝之為太子也能辨南陽之牘光  
武嘉之或謂其天資之美實然抑不知帝以十歲而  
通春秋揆事應物之權未有不繇學出者然以察為

真西山文集卷之二十一

十四

明而昧君人之體殆當時輔導者之責辱瞻吾元子  
蚤毓春宮而能建至策以安朝廷舉宏綱以尊君父  
非深窮春秋之大義者疇克知之夫非學無以通經  
非師無以明理磨礱浸灌日就厥德卿之力為多豈  
以訓迪之勞而忘褒陟之寵忱辭雖切匪朕欲聞所  
辭宜不允

賜太中大夫知樞密院事雷孝友正奉大夫參  
知政事樓鑰太中大夫同知樞密院事章良能  
端明殿學士通奉大夫簽書樞密院事宇文紹  
節兼太子賓客再上表辭免 皇太子講授卷

秋終篇各特與轉行一官恩命不允仍斷來章  
批答

省表具之朕惟三代之教太子必使明孝仁禮義之  
經六藝之有春秋所以著父子君臣之道博求鴻碩  
敷闡精微卿以股肱之良參羽翼之重雖靡勞於請  
說實深賴於儀刑越既終篇所宜論賞夫學為王者  
事匪專多訊之勤而習與正人居自有不言之益云  
胡抗奏自托周功明兩作離當見裨於令德日三成  
魄毋徒貢於謙言所辭宜不允仍斷來章

賜文武百寮宰臣史彌遠等上表奏請皇帝御

合真西山文集卷之二十一

十五

殿復膳不允批答

省表具之朕以眇身獲承宗廟常懼弗稱以累付託  
之明屬者風霆之警厥證甚異惟德菲薄晷于政理  
故天動威以顯朕郵在易有之洊雷震君子以恐懼  
修省是用惕然貶食避殿蓋不若是無以見朕畏威  
罪已之誠惟卿等協同一心飭正庶事以輔予不逮  
迺所望也若夫抗章所陳蘄復常度顧朕寡昧方念  
弗足以御九筵之峻享四海之珍省愆未皇其敢議  
此尚體斯意毋重有云所請宜不允

賜文武百寮宰臣史彌遠等上表再奏請皇帝

御殿復膳不允批答

省表具之朕惟天人之應有若合符言之微皆是致異比以烈風雷雨之警惕若上帝 祖宗之臨遇災何止於側身方食殆幾於失匕亟虛正宁仍卻珍羞雖盡行挹損之文尚恐非感通之實而未逾信宿遽復故常雖衆志之頽然在眇躬其安敢况屬郊禋之邇正蘄神聽之歆當益懋於寅威庶邁臻於昭假朕固有待卿毋重陳所請宜不允

賜史丞相彌遠再辭免 皇太子讀 三朝寶訓終篇轉行一官恩命不允批答

省表具之朕惟治效之隆替原於家法之廢興使夏之嗣王常遵大禹之戒而周之奕世弗墜文王之謨永平故事與漢以俱存正觀元龜終唐而克鑒則其享國之有永詎止如今之所觀肆惟眇躬祗蹈先訓寶若珪璧銘之槃扞既以是而飭身復用之而教子庶一道之相繼視百王而有光卿以元愷之才居綺園之任陪輔最久講明獨深俾重暉之德愈新而盤石之基益壯此而弗賞何以懋功陳義固辭豈朕所望所辭宜不允

賜光祿大夫右丞相兼樞密使兼太子少師未

國公史彌遠上表再辭免勅令所修進吏部條  
法總類及百司吏職補授法了畢特轉兩官依  
例加恩仍進封魯國公令學士院降制恩命不  
允批答

省表具之卿以經世之學佐王之蕃自登翼於萬機  
首整齊於百度群材彙進蔚有慶曆元祐之風  
公道砥平浸還乾道淳熙之舊復以餘力裁成  
信書近酌唐銓別薦紳之流品遠參漢律旌刀筆之  
勞能坦然甚明來者可考如權衡之設輕重不得而  
私若涇渭之分清濁靡容其混迄底章程之定允資  
筆削之嚴渙汗甫頒謙辭已上知卿盛德居存避寵  
之心顧國舊章難廢懋功之典徃欽詔諭亟服恩微  
所辭宜不允

賜吳琰上表再辭免除檢校少保加食邑食實  
封恩命不允仍斷來章批答

省表具之朕博觀圖史之傳歷考后妃之德苟內助  
之賢嘗有功於社稷則外家之福必流及於子孫故  
周之任姒世為諸侯而漢之馬鄧門多賢者天道非  
遠較然可知維我國家壺儀最盛是生聖后光  
輔中興保佑三朝與定大策功德之懿有光前聞

肆卿一門寵榮烏奕將旄公衮先後相望而自比年  
以來老成凋落環顧近屬惟卿獨存慨然興懷思所  
以褒異者久矣矧裡大慶中外所同揚于大廷俾眡  
孤保所以報層闈之恩而為內里之勸也朕志有在  
卿其勿辭所辭宜不允仍斷來章

賜通奉大夫參知政事兼太子賓客章良能上  
表再辭免 今上皇帝會要禮畢轉官恩命不  
允仍斷來章批答

省表具之昔魯邦之寢敵謀在能秉於周禮世祖之  
恢皇業由復用於漢儀則知典法之廢興實繫國家  
之隆替於惟我 宋近酌有唐勅成會粹之書具紀  
施行之實使後世由之而稽決有司即是而討論豈  
曰空文厥惟鉅典而卿蔚以使領相予禮容既登奉  
之告成豈褒崇之敢後徃祇渙命勉抑謙詞所辭宜  
不允仍斷來章

賜通奉大夫知樞密院事兼參知政事兼太子  
賓客雷孝友上表再辭免進呈安奉高宗皇帝  
寶訓禮畢轉官恩命不允仍斷來章批答

省表具之惟治道之隆替原於家法之廢興使夏之  
嗣王常遵大禹之戒而周之奕世弗墜文王之謨明



其饗國之甚長何止如今之所睹緬惟 高廟載造  
我家凡其一話一言莫匪大經大法念既服行於平  
日更將詒示於後人肆命纂修式嚴登進而卿蔚以  
近弼相時盛儀可無便藩恩命之加以示欽承祖訓  
之重尚體茲意勿復有陳所辭宜不允仍斷來章

賜光祿大夫右丞相兼樞密使兼太子少師魯  
國公史彌遠再上表辭免三局進書轉官恩命  
不允仍斷來章批答

省表具之卿以研測聖幾之學鋪張王度之文獨秉  
政鈞兼持史筆叙 列聖億萬斯年之世繫繫焉金

真西山文集卷之二十一

十九

枝玉葉之輝宸中興三十六載之勳謨重於洪辟赤  
刀之寶舉 嘉泰 開禧之行事徵李衢蘇冕以成  
書並詒悠久之傳帥自總提之力夫制作國之大典  
朕不敢輕爵賞君之大權朕不敢廢勉祗渙渥毋守  
謙辭所辭宜不允仍斷來章

賜朝奉大夫試左諫議大夫兼侍讀鄭昭先辭  
免除端明殿學士簽書樞密院事兼權參知政  
事兼太子賓客恩命不允仍斷來章批答

省表具之朕求當世之彥相與建當世之功有大臣  
之材莫如有大臣之度蓋心平乃可撥物非量博不

訖受人故嘗即其議論之間因以觀其平昔之溫卿  
性資毓裕德宇靚深探厥淵源一本聖門之正學望  
其容貌知為天下之偉人自陟朝行徧居言責無偏  
無陂務持公道之衡不激不隨雅得爭臣之體僉諧  
既允圖任何疑繇七諫而擢機廷雖先朝之或有  
不六年而參國論蓋近此之所無其思恩遇之隆益  
展謀猷之助茲為美報烏用謙辭所辭宜不允仍斷  
來章

賜正議大夫知樞密院事兼參知政事兼太子  
賓客雷孝友上表再辭免以皇太子講毛詩

真西山文集卷之二十一

廿

終篇轉一官恩命不允仍斷來章批答

省表具之朕聞六經皆聖人作而洙泗之間啓告學  
者獨於詩尤詳焉蓋可興可群之未究無以知事君  
父之方周南召南之不為必有正牆面之慮夫學者  
猶爾况於承祧貳極之重者乎今吾元子刻意是經  
優而柔之德嗇日茂朝夕輔導師賓之力為多進秩  
眡功厥惟常典卿其毋辭所辭宜不允仍斷來章

賜金紫光祿大夫右丞相兼樞密使兼太子少

師史彌遠上表再辭免進呈安奉高宗皇帝

中興經武要略了畢轉官恩命不允批答

省表具之朕惟周漢再造之君孰若宣光甚盛之烈  
然詩人歌詠僅存赫赫業業之累章史氏形容不過  
趕趕明明之數語未有萃三紀張皇之畧為一編會  
粹之書言其震疊則不測如雷霆窺其變化則無窮  
如天地俾予小子獲監觀之益緊吾元臣專典領之  
功越進崇階豈云濫受徃祇茂渥毋或固辭所辭宜  
不允

賜金紫光祿大夫右丞相兼樞密使兼太子少  
師史彌遠再上表辭免進呈安奉高宗皇帝中  
興經武要略了畢轉官恩命不允仍斷來章批

答

真山文集卷之二十一

廿

三十一

省表具之人主之孝以揚祖烈為先國家之事以飭  
戎昭為急比勅成於鉅典悉登載於明謨俾中興棟  
夷復古之功垂于永久而今日經武整軍之略有所  
據依於朕豈小補哉非卿誰能辦此宜膺懋賞勿復  
終辭所辭宜不允仍斷來章

賜正議大夫知樞密院事兼參知政事兼太子  
賓客雷孝友上表再辭免進呈安奉 高宗皇  
帝中興經武要略了畢同提舉官特與轉兩官  
依例加恩恩命不允仍斷來章批答

省表具之朕惟 皇家復古之勲偉 高廟平戎之  
略雖勉遵時晦不欲黷武以病生靈而申傲邊虞未  
始恃和而忘守備迨至穢狎整居之暴迄收佛狸送  
死之功矐是宏規布于方冊俾鑒觀而有補繇典領  
之得人豈以成勞而忘信賞與其僂僕再命堅卿辭  
寵之心孰若張皇六師助予經武之烈所辭且不允  
仍斷來章

生日詔

賜史丞相生日詔

勅彌遠東方曰春萃乃乾坤之瑞西平有子為吾社

真西山文集卷之二十一

廿一

劉二

稷之臣千齡符夢弼之占再世決和戎之議勲庸甚  
偉夷夏具瞻揆初度於益陬允協靈均之賦保眉壽  
於魯國方賡鳧繹之詩重申臺餽之盼式侈門弧之  
慶

賜少傅吳環生日詔

勅吳環漢都馬鄧之賢首推耆德周嶽甫申之降厲  
在茲辰方自適於燕頤宜永綏於壽嘏特伸頌式庸  
示眷懷

賜參知政事樓鑰生日詔

勅樓鑰月臨冬仲天祐 皇家當剝爛復反之時適

陽盛陰微之始生吾元老為國正人方參秉於事樞  
且寵加於貶式益綏壽嘏庸副民瞻

賜右丞相史彌遠生日詔

勅彌遠千載風雲之會式契休期四明仙聖之區實  
鍾英氣屬此泰通之月生吾昂輔之臣世秉機衡功  
施社稷往致便蕃之錫用迎耆艾之祥

賜嗣秀王師揆生日詔

勅師揆乃瞻賢王惟時耆哲清心寡欲味黃老之格  
言迪德秉彛蹈間平之雅躅屬當初度爰錫多儀祝  
卿齡昔之年狀我大牙之勢

真西山文集卷之十二

廿三

賜右丞相史彌遠生日詔

勅彌遠帝賚說以正四方商邦嘉靖天生晟而為萬  
姓唐室中興睠予社稷之宗臣時乃乾坤之英氣歌  
降神於酸嶽既饜周雅之詩紀初度於孟陬更協楚  
騷之賦其加蕃錫以介修齡

賜少傅吳瓌生日詔

勅吳瓌思齊大任仰徽音之如在不顯申伯偉耆德  
之獨存屬此仲春時維初度其加異渥以介寵禧

獎諭詔

賜畢再遇蕩平淮寇顯有勞効獎諭詔

私再遇此者淮楚之郊姦民彌聚毒流縣鄙害及蒸  
黎朕意其本心或出詿誤姑從招諭許以自新迺  
固以罔悛至弄兵而未已卿忠勇果銳為國爪牙布  
宣王靈指授將略卒蕩平於群醜以綏靖於一方捷  
奏踵聞威聲大振緬惟盡瘁良極歎喜今氛祲既清  
式寬予顧瘡痍未復尤惻我心卿其收輯散亡拊循  
凋瘵盡解犢牛之帶佩亟安鴻鴈之哀鳴時乃之休  
惟朕以懌故茲獎諭想宜知悉

